

欽定戸部則例

第 兩

74

6643

8



74
6643
8



欽定戶部則例卷十三

庫藏三

支發庫項

收放錢文

稽查文劄

稽查屬庫

年額解款

隨時解款

撥解定限

同治十三年校刊

戶部則例卷十三

庫藏
目錄

<99-1205>

報撥節省

捐款津貼

挑存銀鞘

欽定戶部則例卷十三

藏三

支發庫項

- 一各司劄庫收發錢糧各設日記總冊於銀庫收發後按款登記鈐蓋堂司印信每月月底以稿校冊逐款查覈仍送三庫檔房與原掛號冊校對俟查明相符繳司存案
- 一各司處劄庫支領之項該司處專設總檔鈐用騎縫司印令主稿司員畫押封儲俟各衙

門咨領到日將案由銀數物料分晰登記支領時主稿司員覈對相符於總檔內畫押方准給發若主稿司員更換亦卽隨時明白交代至每年所領款項數目於封印後開單呈堂查覈

一各衙門應領銀兩等項咨文到部承辦司分不得無故稽遲該司員不時嚴查如有承發吏捺攔舞弊按律懲處

一三庫月支銀兩顏料緞疋每月月底繕摺具奏奏後將原摺咨送都察院轉交江南道查核其承辦劄發各司各將一月內劄發過銀緞物料細數造冊連稿於下月初十日內移送江南道聽候磨對彙題

一三庫每歲出入錢糧物料於歲底造冊具奏其各處支領錢糧月摺及大出散數移送江南道查核

一凡

宮內並各

園庭及內務府所屬各處工程需用銀兩在於廣儲司造辦處

圓明園支領其

壇

廟衙署城垣倉廩庫坐貢院營房等項工部承辦各工需用銀數在千兩以上者在戶部銀庫支領數在千兩以下者在工部節慎庫支領

一凡緊要工程經

欽派大臣查估工料錢糧數目未及造冊送工部覆

覈者該大臣將必須自行覈算緣由於摺內詳細聲敘照工部定例覈明銀數交承修大臣出具本衙門印文印領令承辦司員親赴戶部銀庫關支

一請領各項工程銀兩承領衙門於領銀支內填註銀數開列堂銜標寫日期給發承辦司員畫押親齎赴部關支

一凡支領緞疋有八疋六疋名目者改寫大卷四疋者改寫小卷

一 盛京銀庫備存雜項各款銀兩分別款項編號別箱粘貼將軍戶部侍郎印信封條所編各號及存儲銀數詳記號簿以備稽查仍將動撥細數報部查覈

一直省每歲出入錢糧歲底奏銷到齊之後由部彙覈各款將出入大數新舊比較聲明彼此先後多寡緣由繕單具奏候

旨

收放錢文

一 每月局鑄卯錢局文到部廣西司限五日內辦具印付付庫銀庫以付庫到日起限十日內儘數收完

一 卯錢按月解庫由局派大使一員帶同爐頭數人運送到庫每錢拾串繫一木牌填寫爐頭姓名以備稽考如無爐頭姓名即行駁回庫員照官定筋兩由工部製造庫秤一用秤杆與局存官秤較準驗收如有短少惟局員是問既收之後每月

搭放兵餉由庫員會同江南道御史及戶部
監放官支放如有短少惟庫員是問儻積存
卯錢過多庫內不敷堆儲卽隨時奏明於兵
餉及各項工程一併增加搭放

一收放錢文令庫員率同筆帖式庫使等小心
查察並飭令看守銀庫旗員兵丁兼攝管理
如有疎失分別懲處

一每月支放八旗兵丁錢糧照舊例按該旗冊
造各佐領應支之數放給搭放餉錢按照該
旗甲喇放給內務府三旗按旗放給該旗及
內務府領回後卽時全行放給兵丁不許延
挨滋弊

一銀庫每月應收寶泉局額解卯錢陸萬陸千
餘串除工局額解卯錢叁萬串外其應需寶
泉局卯錢仍循舊章辦理惟下餘尾數不下
貳叁千串全數解庫收存由銀庫司員眼同
局大使點查抽數如有短少查明所繫木牌
係某鑪所鑄責令該鑪頭逐串賠補以杜弊

混

稽查支劄

一收放銀兩凡係緊急款項於文到後卽時呈堂劄庫收放尋常支領款項於文到十日內呈堂劄庫給發其各司交領劄付內俱填註日期銀庫亦俱按日彙到
一各司發銀劄付出語內敘明銀數楷字大書不准添註洗補一劄而有數處領款者於散數後覈加總數隨正應交之飯銀另出印付付庫不准牽入正銀劄付之內

一各衙門赴部支銀文領須清漢文兼寫齊備
惟領侍衛處理藩院察哈爾文領准不
兼寫漢文順天府文領准不兼清文
者收文之員卽時呈堂移查原領衙門並將
投文人留待咨覈不得隨收隨駁若暫舉之
工程及特支款項原文雖清漢字兼備仍於
收文後將是否實於某日具文請領之處由
承辦司分移查原衙門俟覆文前後相符尙
庫給發

一八旗月支錢糧冊檔銀庫查對放訖錢糧之
後仍由承辦司處領回存儲

一銀庫與各司往來文移俱由當月司轉行不
准在庫在司書吏彼此傳送其銀庫所存一
切檔案亦不准各司書吏私行查閱

一銀庫冊檔派該庫筆帖式庫使分管收儲四
季輪派稽查交代出具並無遺漏舛錯甘結
存案

一銀庫經承二名額內貼寫五名額外貼寫五
名每月由庫官點卯查有濫充卽行究辦並

按名開單知照步軍統領順天府五城隨時
嚴查凡有在外生事及假冒者卽指名拏究
至經承缺出於額內貼寫中挑補額內貼寫
缺出於額外貼寫中挑補其經承役滿經手
冊檔稿件責令逐一交代由接役經承出具
並無遺失未清甘結備查

一京外各衙門赴戶部關支各項銀兩均將所
領銀款及收到數目日期繕具回文在京各
衙門限十日內咨覆各旗營按月分款彙總

造冊送部各直省酌量程途遠近具文咨報
一戶部各司處每月收發錢糧存稿於次月初
五日以前徑赴銀庫由庫官按庫冊逐款磨
對仍於初十日以前同庫存數目移送北檔
房備查

一銀庫用印祇許二人儻有丁吏人等雜沓於
前立卽嚴拏責懲其交銀批內填註收訖字
樣再行用印務使印色鮮明篆文清楚

一每月十二日銀庫庫官攜帶捐生冊檔送戶

部捐納房會同江南道眼同磨對如有不符
即由江南道御史參奏

一銀庫設立放銀冊檔將放過銀款數目逐日
登記一體鈐印每月與戶部所存放銀總稿
覈對以杜弊混

一各司付庫及銀庫付回均於付內填註年月
日期概用大書壹貳叁肆伍字樣不准空懸
陸柒捌玖拾

一各省解交緞疋數目少者限五日驗收全完
即行面給批迴數目多者亦不准過十日如

有數目劬兩丈尺不足俟交收全完再行給

批儻庫丁吏役有勒索刁難等弊查出即行

嚴懲

一崇文門監督遇有各省解物到京查驗後即

令解員赴部投遞支批一面將進城日期知

照戶部三庫務令填明發文日期以憑稽覈

一緞疋庫存儲緞疋等項按架排列字號分儲

各項并箱篋物件一併造具清冊於支放時

按冊出陳留新其樓存布疋絲絨等項亦俱

分別新陳依次收儲按冊查對支放

一各處領取緞疋等物於行文到庫之日起限

三個月

東陵

西陵並

盛京

三陵黑龍江等處限半年如逾限不領即將前行印文

註銷仍令將遲延緣由詳細聲明另備印文

赴庫支領

一各省解交三庫銀兩緞疋顏料等項將銀物

數目領解職名起程日期一體咨報都察院

並另具文批令解員赴戶科江南道投遞候

收庫後即持戶部收批赴科道查驗鈐印給

照以杜弊混

一銀庫庫兵行文八旗滿洲蒙古漢軍都統每

旗各揀選年力強壯妥實閒散十名取具叅

佐領印甘各結造具年貌清冊咨送三庫衙

門掣定旗分每旗選留一名共留十二名作

同治十三年校刊

戶部則例卷十三

庫藏

爲庫兵褫衣出入庫門每屆三年更換先期
咨取掣旗選留其庫兵庫內應穿衣服預置
十二分以備應用

一驗匠二名庫兵十二名歲需工食獎賞銀叁
千壹百玖拾玖兩玖錢玖分捌釐其每季米
折工食戶部停止辦給

一庫兵遇有事故更換由三庫衙門錢掣旗分
咨取頂補仍按前接算統計三年一律更換
一庫兵由八旗選擇閒散在庫當差仍准出仕

考試與從前庫丁賤役不同其江南道按季
點卯應行停止

一庫兵如有營私舞弊指名送交刑部從重治
罪怠惰者隨時咨駁毋許復送當差三年無
過該旗遇有本佐領下馬甲缺出卽行扣補
凡有事故其頂補之人接充一年半無過年
滿更換該旗遇有本佐領下養育兵缺出卽
行扣補未及一年半者年滿撥回本旗無庸

獎勵

一銀庫驗匠二名在於庫兵十二名內揀選能辨銀色者充補三年更換一次其庫兵另行挑補

一戶部各司辦理解餉及物料等項均按照例限辦理該承辦司分各立一簿凡有解款均將何日文到何日付庫何日付回何日行文逐一註明呈堂閱畫以憑稽考

一各衙門應領款項投遞文冊內於人名銀錢數目不准添改挖補旁跨字樣印花上尤不

准挖補儻有此等情事應將文冊駁回更正並將承辦章京等照例查叅

同治十二年部定章程

稽察屬庫

嘉慶十五年奉

上諭近來各省查辦虧空往往將丁憂去任之州縣參
奏辦理尙非核實準情之道州縣虧空倉庫法禁某
嚴自應革職監追查抄嚴辦但州縣之虧缺多在平
時並非專在去任之際則上司之查察貴於先事不
應直至其人交代之時試思丁憂人員猝遭父母大
故孰不思星奔歸里以盡人子之心乃以公務羈留
監追不釋並將原籍查抄此於法制固亦不得不然

而其情究屬可憫且官員至去任之後始行責令彌補亦往往窮無設措於帑項易致宕延嗣後各督撫務當於各州縣在任時加意查察一遇有虧短州縣卽隨時糾劾辦理勿稍假借如此則倉庫旣可及早籌補而遇丁憂去任之員反可遂其私情不致辦理兩妨矣將此通諭知之欽此

年額解款

兩詳關稅門

一巡捕五營每歲專批額解朋扣銀倒馬皮贓

變價銀

歲無定數

一左右兩翼鐵匠局每年領用爐座公費其節

省銀兩於奏銷後具批赴部交納

一直隸布政使司每歲專批額解春秋二撥京

餉銀

歲無定數

大名廣平二府芝蔴舖墊銀叁拾

兩陸錢捌分

一山東布政使司每歲專批額解春秋二撥京

餉銀歲無定數德州減存行糧折色銀歲無定數德常

二倉米麥折色銀歲無定數臨倉米麥折色銀歲無定數

定鹽務各案歸公銀歲無定數銅筋水脚銀玖千

伍百兩伍分鹽運使司每歲專批額解運司

歸公銀捌千肆百叁拾捌兩壹錢壹分正引

紙價銀壹千陸百伍拾兩額餘票紙價銀柒

百伍拾玖兩柒錢貳分

一山東省額解黃蠟貳萬壹千叁百伍拾玖觔

有奇黃丹伍千觔牛筋陸百觔棉布貳千叁

百疋

一山西布政使司每歲專批額解春秋二撥京

餉銀歲無定數錫筋價脚銀壹千貳百伍兩捌錢

柒分叁釐平鐵價脚銀壹千捌百壹拾壹兩

貳錢伍釐武進士牌坊銀肆百柒拾捌兩叁

錢叁分壹釐

一山西省額解黃蠟貳百捌拾叁觔好鐵拾伍

萬觔平鐵捌萬肆百玖拾捌觔毛頭紙伍拾

萬張呈文紙壹萬張西絹壹千伍百疋遇閏加增

四十
四正

一河南布政使司每歲專批額解春秋二撥京

餉銀歲無遇會試之年解公費貳百兩

一河南省額解黃蠟貳萬壹千叁百柒拾伍觔

有奇黑鉛柒萬陸百捌拾叁觔牛筋貳百肆

拾柒觔有奇棉布叁千陸百玖拾捌疋

一江寧布政使司每歲專批額解春秋二撥京

餉銀歲無抽兵銀玖百貳兩陸錢伍分捌釐

茶引紙價銀肆拾玖兩伍錢供漕銀叁萬壹

百捌拾壹兩肆錢柒分茶稅銀歲無定數

一蘇州布政使司每歲專批額解春秋二撥京

餉銀歲無茶稅銀歲無兩淮鹽政每歲專

批額解兩淮上下綱織造節省船腳車驟等

銀貳拾貳萬柒千陸百貳拾兩

一安徽布政使司每歲專批額解春秋二撥京

餉銀歲無抽兵銀捌百叁拾壹兩伍錢柒分

遇閏加增茶引紙價銀貳百陸拾捌兩貳錢

貳分肆釐茶稅銀歲無定數

同治壬午校刊

戶部員例卷十三

庫藏

庚

一江南省額解錫叁萬叁千叁百玖筋有奇黃熟銅伍千壹百肆拾伍筋白蠟壹萬貳千伍百筋黃蠟肆萬叁千陸百柒拾柒筋銀硃伍千捌百壹拾壹筋有奇桐油壹萬肆千貳拾陸筋有奇礬陸千筋燈草捌百筋烏梅壹千正麻叁萬肆千壹百伍拾捌筋

一江西布政使司每歲專批額解春秋二撥京餉銀歲無定數春秋撥冊米折銀歲無定數茶引紙價

銀捌兩壹錢貳分玖釐贖銀歲無定數

一江西省額解銀硃貳千伍百捌拾玖筋有奇桐油貳千伍百壹拾壹筋有奇五倍子貳百玖拾柒筋有奇紫草壹百陸拾貳筋有奇拾連紙貳百萬張苧布伍千肆百玖拾陸疋貳丈

一浙江布政使司每歲專批額解春秋二撥京餉銀歲無定數茶引紙價銀肆百陸拾貳兩銅筋水脚銀柒千叁百伍拾兩又節省銅筋水脚

同治十三年校刊

三都則列卷十二

庫藏

七

銀叁千陸百柒拾伍兩○兩浙鹽運司每歲

專批額解鹽引紙硃銀貳千肆百壹拾陸兩

壹錢捌分捌釐餘引紙硃銀

歲無定數

一浙江省額解黃蠟叁千觔黃熟銅壹千陸拾

伍觔桐油捌千叁百貳拾玖觔有奇芽茶伍

千觔黃茶玖千貳百觔白絲捌千伍百觔絲

綿貳百觔

一福建布政使司每歲專批額解春秋二撥京

餉銀

歲無定數

停辦黑鉛價銀叁千陸百捌拾兩

伍錢肆釐水脚銀伍百捌兩壹錢陸分肆釐

停辦錫價銀壹千玖百捌拾貳兩伍錢肆分

叁釐水脚銀壹百陸兩肆錢伍分停辦抬連

紙價銀玖百壹拾兩捌錢貳分銀叁拾捌兩

伍錢捌分叁釐有奇水脚銀壹百叁拾兩玖

分捌釐有奇鹽引紙硃銀叁千貳百捌兩肆

錢伍分伍釐坵折銀壹萬叁千玖百叁拾壹

兩肆錢玖分貳釐

一福建省額解錫貳萬貳千貳拾捌觔有奇黃

熟銅叁千壹百貳拾柒觔有奇黑鉛壹拾萬

伍千壹百伍拾柒觔有奇抬連紙貳百萬張

一湖北布政使司每歲專批額解春秋二撥京

餉銀 歲無定額 芽茶折價銀叁百柒拾貳兩黃蠟

價銀伍百玖拾肆兩捌錢壹分貳釐有奇水

脚銀壹百貳拾伍兩叁錢白蠟價銀壹千捌

百玖拾兩水脚銀貳百伍兩陸錢玖分伍釐

黑鉛價銀伍百肆拾柒兩柒錢叁分玖釐水

脚銀叁百貳拾玖兩柒錢肆釐茶引紙價銀

錢捌分伍釐 木松板銀 歲無定數 又解武

昌廠商稅銀節省水脚銀 歲無定數

一湖北省額解黑鉛壹萬柒千陸百陸拾玖觔

白蠟陸千叁百觔黃蠟叁千捌百叁拾柒觔

有奇

一湖南布政使司每歲專批額解春秋二撥京

餉銀 歲無定數 硃砂折價銀柒拾玖兩伍錢陸分

伍釐水脚銀叁拾兩芽茶折價銀叁百柒拾

貳兩黃蠟價銀伍百玖拾肆兩捌錢壹分貳

釐有奇水脚銀壹百壹拾兩白蠟價銀壹千捌百玖拾兩黑鉛價銀伍百肆拾柒兩柒錢叁分玖釐茶引紙價銀柒錢玖分貳釐

湖南省額解黑鉛壹萬柒千陸百陸拾玖兩白蠟陸千叁百捌兩叁拾柒兩有奇硃砂貳拾兩

陝西布政使司每歲專批額解花馬大池鹽引紙硃銀肆拾叁兩貳錢漢中府鹽引紙硃銀壹百伍拾兩

按兩年一解

甘肅布政使司每歲專批額解黑礬砂折價銀叁兩伍錢茶引紙價銀玖拾肆兩玖錢貳分柒釐有奇西河縣鹽引紙價銀肆兩捌錢柒分捌釐漳縣鹽引紙價銀壹拾兩捌錢陸分陸釐花馬小池鹽引紙價銀貳百貳兩叁錢貳分

甘肅省額解茜草叁千叁百壹拾陸兩有奇改解折色銀肆拾叁兩陸錢捌分貳釐

廣東布政使司每歲專批額解春秋二撥京

同治十三年校刊

五部刊列卷十三

庫藏

二十

餉銀歲無定數廣東鹽運使司每歲專批額解

鹽引紙硃銀歲無定數子鹽京羨銀柒百貳拾壹

兩壹錢伍分玖釐節省河工盤費銀叁百兩

一廣東省額解錫叁萬伍千陸百陸拾肆觔有

奇廣膠壹千觔降香玖百觔沉速香捌百觔

檀香伍百觔沉香叁百觔白蠟壹萬貳千陸

百觔紫榆木貳千捌百觔花梨木貳千壹百

觔

一廣西布政使司每歲專批額解春秋二撥京

餉銀歲無定數

一四川布政使司每歲專批額解鹽引紙硃銀

歲無定數茶引紙價銀叁百肆拾肆兩肆錢陸分

壹釐餘引紙價銀壹拾伍兩鹽餘引紙硃銀

壹拾伍兩茶餘引紙硃銀壹拾伍兩

一雲南布政使司每歲專批額解茶引紙硃銀

玖兩

一雲南省額解天大青貳百叁拾觔有奇天二

青陸拾陸觔有奇石黃貳拾貳觔有奇

一雲南省每年額辦並加辦共毛青柴千餘觔於前一年四月內飭商赴藏販運來滇於次年八月內自滇起程十月內到部交納

一雲南省額解顏料課金飯銀等項除昭通等府廳州係邊要煙瘴例不派委外其餘雲南等府州原定捌股遴委縣丞州判等官輪年委解如無縣丞州判之處卽於經歷知事巡檢等官遴委壹員領銀採辦齊全同課金等款銀兩於八月內起程十月內解部交納以

清年額

一貴州布政使司每歲專批額解茶引紙硃銀柒錢伍分

一廣東省每歲應解裁停江浦神安各司巡丁工食等銀貳千貳百餘兩至貳千叁百餘兩不等遇閏裁停銀貳千肆百兩捌錢肆分道光年爲始

隨時解款

- 一五城應解房租及各項變價分賠銀兩隨時具批交部餘銀飯銀概免交納
- 一八旗應解部庫銀兩隨時具批出咨差官齎交其銀照部砵兌準印封送部
- 一在京衙門交納現審贓罰銀錢數在拾兩以上者隨時交戶部查收數在拾兩以下隨案先交刑部收儲歲底由刑部彙交戶部
- 一外省隨時帶解贓罰銀兩除原文投送刑部

外其銀隨批徑投戶部俟收足後知會刑部
查案完結餘銀飯銀隨正另具印批交庫查
收

一直省解部顏料歲有定額詳見本卷年額解款條其或

應添解或應減解由部視庫存多寡隨時飭

辦該承辦省分遵照解交

一蘇州江甯杭州三織造交部緞疋奉

硃批永著司庫代運欽此道光十九年奏准

一江甯蘇州杭州三織造製辦解往新疆綢緞

如有質地澆薄顏色虧舊經該處駁回者除

照數賠製搭解外再著加十倍罰出充公以

示懲儆

一凡繳回銀印由庫查收俟銀數積至壹千兩

交部銷燬鎔出銀兩仍行交庫澄出銅筋交

寶泉局配鑄繳回銅印由禮部徑交寶泉局

一在京衙門交納現審贓罰銀兩如原贓費用

無存追徵足色交戶部查收

一現審有關贓罰銀錢什物變價等項定案時

鈔錄全案並贓罰銀錢立即咨送戶部如勒

追未交者隨案聲明戶部查催交納後知照

刑部完結 交部章程詳本門
另條及批廻末條

一現審入官贓銀成色低潮傳經紀當堂鎔化

足色成鎔折實分兩送部交納不准折變錢

文入官房間隨時知照戶部估變召買入官

人口變價數在十兩以上者隨時送部交納

亦不准折交錢文

一一切贓罰銀錢年終彙冊開列案由分晰數

目已交者註明銀庫兌收日期未交者聲明

何年月日追出造冊送部綜覈

一五城批交銀錢於刑部定案後限五日內投

批五日內交納逾限不交將該司坊官查叅

撥解定限

一八旗批交部庫銀兩文批到部後限五日內
 費銀投交如短平即令隨時添補如成色低
 潮必須更換者再限五日換交逾限查叅

一五城批交糶賣成色土米麥石錢文限每月
 逢壹逢陸投批逢伍逢拾交錢統以糶竣後
 限貳箇月內全數交清逾限不交及投批後
 不於伍日內交納者將司坊官查叅
如交納錢文有
 攙雜短數等
 弊亦即叅處該司坊官赴部投交三庫檔房

胥吏人等藉端勒措不卽僉到發司承辦司
分收到批文延壓不卽付庫交收及旣經發
司付庫而銀庫書吏不卽稟請查收以致遲
逾貳箇月例限亦卽查明究辦

一 直省每年應造撥餉清冊春季限二月二十
日以前到部秋季限八月二十日以前到部
冬季限十月內到部逾限題叅議處

一 凡解部錢糧該起解衙門當堂僉定批限若
假手吏胥空懸小日任意違限以及掇補年
月扶同作弊者經部察出交刑部審究

一 凡應行解部各項銀兩均自奉到部文之日
起勒限陸箇月具批交便員搭解如逾限不
行批解將該藩司照解餉遲延例查議

一 凡領解各色錢糧物料違原省批限壹月以
外及由崇文門掛號後不卽交納者將領解
官役叅究若有蠹役包攬交納及有崇文門
人役抑勒等弊拿送刑部究擬

一 解員事竣由部給領回任限照正印解員於

引

見後填給佐雜解員於發實收後填給順天府所屬

限拾日直隸省所屬限貳拾日奉天山東山

西河南等四省限叁拾日江蘇湖北陝西等

三省限伍拾日安徽浙江甘肅等三省限伍

拾伍日江西省限陸拾日湖南省限柒拾日

福建四川等二省限捌拾日廣東省限玖拾

日廣西貴州等二省限壹百日雲南省限壹

百壹拾日

解銅官回任限期見錢法門

所領限照於回任

後交部查銷若解員中途患病報明所在地

方官查驗結報各部扣算無故逾限者該督

撫查明月日咨部轉行吏部照赴任違限例

議處

一各直省應行解司銀兩均自奉到部文之日

起勒限壹個月完解報部如逾限不行完解

該督撫卽行查叅儻上司因循不卽催提清

款以致承辦官事故離任輾轉咨追者該督

撫卽將該上司叅處并將所欠銀兩著落該

同治十三年核刊

戶部則例卷十三

庫藏

三六

上司照數賠補

一各省起解京餉以咨報起程之日為始直隸

限二十日山東限三十日奉天山西河南限

三十五日以上五省作為近省江蘇陝西湖北安徽限

六十日浙江限七十日甘肅江西限七十五

日湖南限八十日福建四川限一百日廣東

廣西限一百十日貴州限一百十五日雲南

限一百二十五日以上十四省作為遠省到部仍先將

起解日期及解員姓名預行咨報如各該省

委員按限解到交庫後由戶部註明銀數多

寡官階大小程途遠近知照吏部分別給予

議敘儻委員所交餉銀尚有尾欠除一面飛

咨該省補交外仍知照吏部給予議敘以昭

激勸

一各省解餉委員限於領批之日起程其臨差

託故不行者照規避例治罪起程以後如係

繞道行走准由經過地方官據實結報按日

扣除儻有無故遲逾數計月日遠省在二十

日以内近省在十日以内毋庸議敘免其議處如遠省遲逾在四十日以外近省遲逾在二十日以外者知照吏部分別議處

一解餉委員沿途經過地方實有阻風患病或繞道行走報明地方官加結將何日到境何日起程詳報吏戶兩部查覈如委員無故延挨除覈計遲逾月日照例議處外其催趨不力之地方官由吏部覈計在境日期多寡將該地方官分別議處隨時申報者免議

一山東省額解黃丹牛筋限十月內起程山西

省額解平好鐵限十一月內起程毛頭紙限十月內

起程半箇限九月內起程河南省額

解牛筋黃蠟限九月內起程安徽省額解桐

油銀硃黃熟銅限六月內起程江蘇省額解

銀硃桐油黃熟銅明礬燈草飛金限十月內起程十二

月內到部江西省額解銀硃桐油五倍子紫草限八月

月內起程拾連紙限三月內起程浙江省

月內到部額解桐油黃熟銅芽茶黃蠟定元子限八月內起程

同治三年校刊

戶部則例卷十三

庫藏

三

十一月內到部黃茶年終解到福建省額解黑鉛黃熟銅

錫筋抬連紙限四月內起程廣東省額解白

蠟廣膠沉香沉速香降香檀香高錫限五月內起程

十二月內到部湖北省額解白蠟每年附漕解部湖南省額

解白蠟硃砂每年附漕解部雲南省額解天大青天

二青石磺限七月內起程如逾限壹月以外

者領解官罰俸壹年督催不力之上司罰俸

陸箇月

一各省應解各項飯食銀兩務須年清年款一

面委員搭解令其親赴各衙門交納一面將

銀兩數目解員姓名起解日期先行報部仍

於年終彙報查覈如逾限不接批廻該省即

具文咨查以昭慎重

道光三十年四月二十六日奉

上諭戶部奏請飭各省於應解應支各款不得率請改

撥協濟等語近來各省於向有本款可支無待協濟

者率請協濟於常年例用之項不應改撥者率請改

撥而於該省積欠未完之款反延不催解支絀目形

同治三年校刊

戶部則例卷十三

庫藏

三

戶部則例卷二十三
實原於此嗣後著各直省督撫鹽政監督等於戶部
指撥各款務須覈實籌解不得恃有成案率請改撥
其本省應支之項卽偶有不敷亦當自行籌畫不得
率請協濟其積欠未完之款必應破除情面上緊嚴
催該督撫等如果視國事如家事斷無催徵罔效者
至各省造送春秋二季撥冊每逾例限向由戶部隨
摺附叅嗣後著該部於每年二月八月到限之時查
明撥冊未到省分專案奏叅以重帑項而肅功令欽
此

報撥節省

一 江蘇省採辦紙張等項節省銀兩免其解部
統歸地丁報撥

一 山東兗沂道屬曹河曹考曹單三廳裁撤堡

夫每年節省額支工食銀兩

河南河庫銀壹百肆拾肆兩山

東司庫銀拾捌兩壹錢陸分兗沂道庫銀柒百貳拾伍兩捌錢肆分按年提解

司庫報部候撥

同治四年各准

捐款津貼

一蘇州藩司所屬州縣遇事攤捐養廉較江淮
 等屬稍多奏明在蘇州藩庫籌撥耗羨減半
平餘伍萬
兩存公鹽現貳萬柒千兩市平項下壹萬
叁千兩武職空缺節省養廉銀壹萬兩 銀
 拾萬兩發商一分生息按季解司抵用如各
 屬仍有藉口虧挪者該督撫卽隨時據實叅
 辦

挑存銀鞘

一各省銀鞘到庫銀庫定有磅兌日期先行知照工部即日派員帶領諳習匠役赴庫眼同如法開劈每次劈完之後將鞘木運回工部擇其可以修整備用者挑存另儲遇有外發銀兩卽以此項鞘木改用其實在破碎不堪修用者秤准觔兩發交營造司作為架薪之用

欽定戶部則例卷十四

庫藏四

交代

盤查

完欠

勒追

變抵

豁免

贖銀

同治十三年校刊

庫藏

一目錄

欽定戶部則例卷十四

庫藏四

交代

咸豐十一年奉

上諭譚廷襄奏滙陳山東省虧空積弊請嚴行查覈
 分別勒限清釐一摺山東省吏治廢弛往往藉口
 災緩諉卸催科不力處分並可影射侵漁其軍需
 墊款則以已徵到官之錢糧那移墊辦捏造報銷
 強行列抵經年累月不能結算據該撫查明咸豐

七年以前交代應行追賠虧款至七十一萬有奇其七年以後積壓二百數十起其中那墊虧空更復不少及委員監算盤查惟以開報初叅了事玩泄侵蝕庫儲日虧積習相沿殊深痛恨著譚廷襄督飭藩司先將通省軍需那抵各款立限趕緊清釐再將交代逐案勾稽自七年以後截至本年十月初一日以前作為舊案飭局統行調算勒限四箇月一律清結儻有前任狡執延宕後任故意留難立即從嚴參辦除抵下欠之項全數提追如有不完查抄治罪所有累年交代遲延各員應得處分著俟此次清釐以後再行分別辦理其本年十月初一日以後新案通限以四箇月為斷其有兩任交代及倉穀較多者照例推展如屆期不結卽分別撤任勒追扣補停委以示懲儆其軍需墊款概不准以正項錢糧扣抵儻敢徵存不解無論銀數多寡立予創懲並將該管道府一併叅處以肅官方至各直省州縣積弊相沿鮮不藉蠲緩錢糧墊辦軍需為朦混侵吞地步山東一省如此他省

可知著各直省督撫遵照此旨一體勒限清釐各州縣交代務使完欠分明不惟稍有朦混如有歷任交代清楚者准其破格保獎其平日剝削官項現復阻撓挾制以冀搪抵者一經查出奏請加等治罪其軍需墊用各款尤宜飭令覈實開報不准牽混以重庫儲欽此

一直省布政使陞轉離任及因公

陞見者於奏謝之便將經手庫儲錢糧並無虧挪之處具摺附奏新任接收亦具摺奏

聞暫署與正任一例陳奏仍按例限交代呈詳請題

一布政使新舊交代自新任官到任日期起統限兩箇月交代清楚造具冊結呈詳督撫保題其統限兩箇月內舊任分限一個月凡署任在兩月以上者正署交代該督撫各疏保題若署任不及兩月者正署交代彙疏保題糧鹽道正署錢糧交代限一箇月其督撫保題或各疏或彙疏照布政使例廣西鹽道交代准加限三箇月一布政使陞任本省巡撫其任內經手錢糧令

總督確查具題如無總督省分該撫不便自行具題令接任布政使覈明具題

一各省臬司委署藩篆其驛站錢糧統俟新任藩司到任後再行盤查出結由送督撫察核
一鹽運使新舊交代悉照布政使例統限兩箇月交代清楚造冊呈詳鹽政具題其統限兩箇月內舊任分限一箇月運同運判提舉大使等官交代悉照州縣例限兩個月清楚由管鹽督撫鹽政取具冊結咨部

廣東運使運同交代各准

展限三箇月

一經管錢糧之守巡各道並知府限一箇月交代清楚由後任官造具冊結該管上司加結

咨部

一司道府州縣新舊官交代如前任官內有侵欺透支挪移墊解拖欠未清等弊接任官無論實任署任如有徇隱不行揭報及交代後始行查出者該督撫題叅將虧空之員革職治罪接任官照例議處欠項照例賠補如有

侵挪等弊接任官已經通詳而上司不行詳報題參徇庇舊任抑勒新任接受者許被勒之員直揭部科部科據揭代奏請

旨飭交嚴審實將抑勒交代各上司及虧空之本員從重治罪審虛將誣揭之員加等問擬

一官員接收交代已經揭出虧空者於題參之日扣限交代續又查出虧空於出咨續揭日扣限交代如摘款先揭豫留三參五參地步輾轉延挨者將接任官題參著賠

一正署官交代如倉庫本無虧短而署任官故為遲延希圖卸責者該監盤上司揭報題參其署任官有虧空錢糧者除本員照例治罪外仍著落遴委之督撫司道知府等官分賠議處

一官員交代如正限內不能完結者照例查參再照原限兩箇月一箇月完結如逾限不結該督撫題參照易結不結例議處其遲延緣由該督撫卽於疏內確切聲明如止以遲延

題參並不將遲延緣由敘入者將督撫司道府等官分別議處

一官員交代清楚務將冊結同送仍將到任與出結各日期於文內註明送該管府州加結各按程途日期扣算如冊結到在限外而聲明出結在限內者由藩司覈明是否屬實將出結日期詳明報部免其參處如例限已逾仍無冊結繳司該督撫卽行指參或州縣捏報出結日期並該管府州及司道通同徇隱者該督撫卽據實報參

一交代遲延該督撫查明遲在何任分晰咨參並將督催不力之上司隨案附揭聲請議處另行勒限交代凡二參限期卽於限滿初參之日接算起扣不准按奉到部覆日起扣

一交代款冊隨結依限呈詳由司覈轉咨部如限內祇送總結不送款冊卽以交代遲延查參

一正署官交代如原委署之員遇有陞遷降調

丁憂等項事故准其改委以改委接署之日
另行扣限清查仍將改委起限緣由聲明咨
部如原委之員正在交代限內並無應行離
任事故輒行托故改委希圖展限者一經查
出將改委之各上司照徇庇例議處
一官員交代除查捕蝗蝻鄰封相驗以及勘災
監賑勘河防險會勘會審等公出不准扣展
外其人闕辦事必須局鎖在闕准其將奉調
入闕日期扣除展限

一交代例限兩箇月者舊任官造冊以二十日
爲限新任官查覈轉造以四十日爲限例限
一箇月交代者舊任官造冊以十日爲限新
任官以二十日爲限如例得展限者均照加
展月日遞算分扣若有逾違分別查參
一各直省州縣正署經手錢糧交代正限兩箇
月由接任官造具接收清楚冊結協查官同
該管道府等官加結移送藩司總覈報部如
倉庫錢糧或有應行加展之處均准其分別

加展並責成該管道府等悉心盤查儻有虧
短卽行據實揭參如該道府等出結之後或
有虧短情弊別經發覺將出結之員嚴行參
處凡分駐地方經管錢糧之同知通判縣丞
及營衛等官交代均照州縣例辦理

一州縣官有經手新疆錢糧款項繁多交代限
期准於交代倉庫錢糧正展各限之外分別
加展如供應口外往返官兵車輛事務展限
兩箇月採辦調撥事件展限四箇月其辦理
軍需支發更繁并有不能依限結報者該督
撫臨時奏

聞辦理

一州縣官事故離任將在任已徵未經折封錢
糧於交代前報明原管上司覈實交與接任
官另批起解若接任官朦混不入交代作爲
已任所徵籠統起解者查實題參

一州縣官交代展限如庫項在伍萬兩以上者
展限十五日在拾萬以上者展限一箇月在

拾伍萬兩以上者展限四十五日其倉穀在
貳萬伍千石以上者展限十五日在伍萬石
以上者展限一箇月或一官而有兩任交代
者展限一箇月陞調官員卸任到任同時者
方准扣展如不同時者不准
展如正展各限外或有遲延該管上司將遲
延情由查明開參如舊任官不於定限內清
白造冊移送將舊任官查參新任官免議如
舊任官遲至定限將屆始行造冊移送新任
官又不上緊查覈以致遲延者新舊各官分
別議處如舊任官已將錢糧等項造冊移送
而新任官推諉不接以致遲延者將新任官
查參舊任官免議督催府道均分別議處儻
限滿不行查參查係該督撫及各該上司徇
庇戶部卽扣限題參照例議處如並無未清
錢糧等項上司藉端勒措遲延者將勒措之
督撫司道知府等官分別議處如署事接任
官措留以及本官並未交代明白卽行離任
均一體查議

一州縣交代令將倉廩造入交代項內報部若有木植燬爛傾圯滲漏者許接任官揭報將前任官議處其霉爛米石勒限賠補如接任官徇情濫受卽將接任官照例議處仍令賠修倉廩並將霉爛虧空米穀著落接任官限年賠完儻限內不完照例治罪或故爲勒措及交代遲延借詞飾報者該督撫據實題參一州縣交代倉糧俱令按限徹底清查如有胥役冒領侵吞捏稱民借照數分別賠完新任官不行查出遽行出結卽著新任官賠補還項儻倉穀過多不能依限結報者卽於交代案內聲明量加展限報部毋許於正展限外復請展限

一地方官交代如限內未能交清令接任官逐款查明揭報將該員截留在省照例另行起限務令交代清楚方准赴任回籍如有通同私立議單希於限外通融彌補者一經發覺將監交出結之員一體治罪並著落賠補各

該上司分別嚴議

一交代清楚冊結送部時將監盤官職名一體報部存案遇有侵虧事發將監盤官照例治罪如藩司不將監盤官職名一併申送者照徇庇例議處

一江蘇州縣交代有民欠錢糧應行清查數在伍萬兩以上者原限外准展限兩箇月在伍萬以下者准展限一箇月清查結報

一直隸河工錢糧及存儲物料等項廳汛各員無論實授署事遇有陞遷事故照州縣倉庫錢糧例定限兩箇月造具清冊移送新任官查覈出具交代清楚印結申送咨部如舊任官不交代明白以及新任官扶同徇隱並勒指遲延該管上司督催不力以致違限者均照例叅處

一南河廳員新舊交代照直隸州例由該管道員覈實加結詳咨限三箇月內交代清楚出結造報如錢糧繁多應展限者照州縣例咨

部請展儻有虧缺逾違及道員督催不力均照例參處

一川省新疆理事同知及各屯員經管庫項倉糧照內地州縣之例限兩箇月屯員由同知委員監盤同知由松茂道委員監盤各依限出結由司覈明咨部如有遲逾分初參二參按照遲延月日議處儻有虧缺嚴參治罪

一福建省鹽課銀兩久經官運之福州府屬長樂福清泉州府屬晉江惠安同安等五縣及

暫歸官運之龍巖直隸州泉州府屬南安永

安興化府屬莆田漳州府屬龍溪漳浦南靖

長泰平和詔安海澄福甯府屬霞浦甯德等

一十三州縣凡遇新舊交代照地丁一體限

兩個月交代清楚造具冊結咨部儻有虧缺

遲延照例分別參處

一貴州省知府交代除遵義一府並無經管倉

庫錢糧仍限一月交代外其貴陽思州思南

鎮遠銅仁黎平安順興義都勻石阡大定等

十一府均有倉庫錢糧之責交代俱扣限兩箇月盤查出結仍按倉穀多寡分別加展一織造所管之關稅錢糧及絲餉緞疋交代限兩箇月清楚照州縣官例由接任官查明造冊具結咨部

一各學新任委署教官到任限一箇月令舊任教官將經手學田租穀並書籍器物等項造冊交與接任之員查明接受由該府州縣覈明詳司轉送督撫學政衙門存案仍將交代

清楚緣由按季彙報或有遲延逾限及缺少

學租等項仍專咨報部查叅儻舊任官有心隱匿查明題叅缺失者責令賠補若接任官不行查明混行接受卽著落接受之員及轉申之府州縣賠償府學教授責成知府分賠州縣學教官交代既有州縣督催毋庸再令知府分賠設交代期內或有送考赴省赴府赴州不能回署交代准其預行申報俟事竣回署之日仍扣限一月交代儻有捏飾嚴叅議處

一各省緣營武職官員無論正署新舊交代限

一箇月造具冊結加結送部如有遲延照文

職交代逾限例分別議處

陝西甘肅二省督撫提鎮標中營交

代限四十日雲南督撫二標臨元等六鎮凡

貴州提標興義等四鎮交代限五十日

署任不及三月者統歸後任接收交代併案聲明結報

一州縣交代除本無虧缺各令依限交代外其

前此業經報明彌補列入清查者如正展限

內結算未清著該督撫卽奏明先完結本員

交代其歷任欠交錢糧於摺內聲明虧數多

寡提查遠近酌定限期另案完結若本末報

明彌補列入清查者不准授以爲例

一州縣交代如結報無虧後復有呈出約議諉

作前任舊虧者除不准作據外新舊官及監

盤官一併治罪

一州縣交代凡徵存未解款項部中逐案登記

以初次限滿扣起勒限兩個月掃數提解藩

庫隨時專案報部逾限不完卽將結報之員

參辦統於年終開單奏報一次每案有無徵

存限滿有無欠解曾否參辦一一註明至州

縣交代册結該藩司隨時詳請咨報儻遲至

一年半年送部即將藩司職名查取覈議

一各省州縣交代無論正署照例限兩箇月清

交外如有虧短接任之員限一月內稟揭其

交代未清未經後任出結者停其署補

會同吏部奏准

同治元年

一各省州縣交代限兩箇月作為初參查明新

舊官係何任逾限罰俸一年二參限期仍予

限兩個月查明新舊官係何任逾限即行革

職其二參限期及各州縣到任卸任日期隨

案咨部覈扣並由吏部將補署各缺知照考

覈儻一參已逾該管上司延不揭報即由戶

部奏參將二參逾限之州縣革職該管上司

照徇隱例議處

同治元年會同吏部奏准

一承德府并所屬州縣交代册結由熱河道覈

明加結徑詳都統咨部

一直隸承德府經管倉庫錢糧限兩個月盤收
結報

盤查

一凡盤查屬庫錢糧責成該督撫於歲底具摺
彙奏

一直省布政司庫錢糧每值奏銷交代均責成
巡撫及同城之總督親赴盤查具結保題督
撫新任受事亦一律盤查所盤錢糧無論正
項雜項已入奏銷未入奏銷統行察覈儻有
虧挪而扶同徇隱者事發議處分賠其非同
城之總督於題明巡查地方之便會同巡撫

盤查凡巡撫及同城之總督陞調離任將舊屬藩司庫項無虧之處乘奏謝之便附摺以聞新任巡撫及同城之總督亦具摺附奏仍照例盤查具題

一布政司鹽道庫儲錢糧該司道儻有侵挪許庫官徑行揭報該督撫鹽政盤查得實將庫官題請議敘若庫官通同徇隱事發一體治罪庫官已經揭報而督撫鹽政不行題參者照徇庇例議處

一巡撫兼管鹽政凡運司交代及奏銷之時並現在接管到任先委道員代盤結報每年不拘何時親赴運庫盤驗一二次其餘再委道員盤驗不得每年全委道員以免滋弊

一直省布政使鹽運使司庫錢糧責成督撫鹽政直省河庫錢糧責成河道總督於每年封印後親身赴庫將一年舊管新收開除實在正雜各款逐一詳查造冊登記仍取具藩司運司河道並無虛收冒抵印結加結送部備

查倘有款項不清察出將加結之督撫鹽政
河道總督一併懲治

一直省按察司庫驛站錢糧每遇交代造具冊
結會同藩司查核詳請題報糧鹽道庫錢糧
每值奏銷交代照盤查布政司庫之例責成
同城督撫及鹽政盤查出結具疏題報督撫
鹽政新任受事亦一例盤查其糧道庫錢糧
收放款目仍由藩司於盤查之先核明具結
詳送督撫如詳內聲明並無虧空督撫親盤

發覺者將布政使查叅議處責令分賠凡督
撫新任盤查道庫照奏報藩庫錢糧之例另

摺奏

聞兩廣總督所轄廣西鹽道錢糧屆盤
查之期就近交廣西巡撫盤查結報

一府州縣庫儲錢糧每年奏銷時責成該管道
員知府盤查結報其已徵待支未入奏銷各
款亦一體盤查凡屆盤查若該管官不行親
盤委查取結或雖係親盤而預示日期縱令
掩飾者別經查出將該管官照不應公罪律

處分如更查有虧空將該管官照通同徇隱
例叅革不得以同時揭報免叅亦不得僅以
盤查不實從輕請議

一道府盤查倉庫不得因督撫藩司曾經具奏
倉庫無虧稍存瞻顧如遇別經查出虧短除
照例治罪外仍著落督撫藩司道府各官按
照分賠

一各屬倉庫錢糧如清查後

乾隆四十九年再
九月通飭清查

有虧缺除本員照例治罪賠補外將盤查出
結之督撫等從重議處並將虧缺錢糧按數
分賠一倍

一各府倉庫錢糧於每年奏銷時責成各該道
盤查直隸州錢糧責成分巡道盤查糧驛道
錢糧責成布政司盤查藩庫錢糧該省有總
督者督撫會同盤查無總督者巡撫盤查無
巡撫者總督盤查其總督有管轄兩三省者
或隔二三年或隔三四年於題明巡查地方
事情之便會同盤查出具印結於奏銷本內

一併保題儻有扶同徇隱及盤查不實不行揭報俱照州縣倉庫例行如有抑勒挪借濫動以致虧空者許據實通詳揭送各部院奏聞嚴加議處責令賠補

一州縣等倉庫錢糧實存數目每三月申報一次由該管道府查覈加結彙送藩司轉呈督撫該督撫隨時抽查如有虧缺嚴叅治罪

一州縣倉庫錢糧責成知府嚴行盤查於每年奏銷時出具所管州縣倉庫實儲無虧印結

造冊申詳保題仍令不時盤查一有虧空立即列揭請叅免其治罪分賠如知府通同徇隱別經發覺將知府革職離任先於本犯名下著追勒限三年如果家產全無無力完交將未完銀米等項無論侵挪俱著落知府獨賠如止盤查不實不行揭報審係州縣侵欺將知府照失察侵盜本例議處免其分賠審係州縣挪移亦先於本犯名下著追勒限三年如果家產全無無力完交將未完銀米等

項責令知府分賠一半如知府查出虧空揭報司道司道不卽轉揭及司道已經轉揭督撫不卽題叅許知府徑揭部院將不轉不叅之督撫司道議處著令分賠如督撫司道明知州縣虧空不卽報叅反爲設法彌補於本犯勒追限滿之日著落督撫司道分賠仍照例交部議處

一州縣挪移虧空審明係知府不行揭報應著落分賠之項將知府革職其虧空銀米仍依挪移虧空年限先於本犯名下儘數著落嚴追一年限內全完將本犯及不行揭報之知府俱照例准其開復二限三限補完本犯照例分別發落若三年限滿不能完足本犯仍照原擬治罪查明實係家產全無無力完繳將未完銀米等項著落不行揭報之知府分賠一半其餘一半入於無著項下完結其知府分賠一半銀兩勒限一年完補限內全完准其開復不完再限一年完補若能於二限

丙全完者准其開復於補官日罰俸一年如
 二限內完不足數再限一年完補若能於三
 限內全完者照依原職降一級調用如三次
 限滿不完不准開復未完銀兩仍著落追賠
 一各省屬官虧空上司明知故縱者令狗隱之
 上司各賠一分

一典守倉庫錢糧官物於接收交代後有霉變
 失少者即著落接收交代官及狗庇之上司
 還

一粵東省倉庫錢糧令各州縣開具四柱清冊
 每月報明本府查覈無虧按月出具印結報
 明本道該管道員按季出具無虧印結移司
 加結轉送督撫存覈如州縣有私行挪動倉
 庫之事立即親往盤查將侵虧之員與出結
 之知府直隸州一體嚴參治罪如督撫查出
 弊竇而司道未經舉發並將司道以贍狗參
 議

一鎮迪道所屬各府廳州縣縣丞一切領存動支銀兩按季開造管收除在四柱清冊責成該道確覈彙造清冊加結呈送總督衙門查覈該督每歲密委道府大員隨帶冊籍前往抽查結報如有虧挪嚴叅治罪

一烏魯木齊提督巴里坤總兵新舊接任各將庫存分儲銀兩覈實題報平日統聽提督隨時查察該督於巡查營伍之便一體稽覈

一西藏糧務官所管餉銀責令駐藏大臣每年盤查造具冊結咨送總督查核

一熱河道庫每年所收地糧當雜稅等銀收支存儲各款按半年造冊一次呈送都統分咨戶部暨直隸總督飭發藩司備查

一承德府屬捕盜等營官兵俸餉歸于直隸冬季預估案內題撥每年按兩次由熱河道委員赴司領回支放仍歸直隸省彙案題銷其每年應領武職養廉公費紅白賞馬價并扣解建曠及留半養廉節省馬乾等銀亦由藩

司收支總督題咨

一承德府并所屬州縣修墊橋道經費歸直隸藩司籌撥其報銷冊結由熱河道具詳都統轉咨總督覆核後徑行咨部核銷

一承德府并所屬州縣徵解熱河道庫一切正雜錢糧均照數留在道庫備用每年春秋兩季并冊報部凡應支俸工料各官養廉一切銀兩毋庸拘定動款卽於解收銀內隨時支放仍於年前先行估計不敷銀數由熱河道具詳都統轉咨總督飭發藩司籌撥每年

亦分兩次由熱河道委員赴省領回存儲仍由藩司將撥過銀數咨部查覈并于奏銷撥冊造報開除彙呈總督題咨其道庫領儲銀兩亦于春秋二季送部冊內造報新收俟次年奏銷時卽將收支各款彙造一冊徑詳都統隨同奏冊送部備查

一承德府并所屬州縣地糧耗羨旗租并當雜稅斗稅經費囚糧囚衣遞馬工料俸工養廉

以及內結各項錢糧由熱河道分項覈造奏銷徑呈都統具題其解存旗租銀兩年終由蘇蘭回奏無解交大興宛平二縣隨同直隸種養餘抽收凡無關總督藩司考覈一切錢穀案件均歸熱河道具詳由都統徑行題奏覈咨

一熱河每年一切工程除挑挖旱河豐寧縣波洛河屯魚鱗壩等工由道庫生息銀款動支外其餘各工覈明銀數奏請由司庫撥領報部備查如有提回溢領覈減之項歸入道庫

雜項錢糧內報部支銷

一銀庫隔一年奏請

欽派王大臣會同管庫及兼管庫務大臣盤查一次內庫及緞疋顏料二庫隔二年盤查一次如有交項盤查期內暫行緩收如有放項應由未經查過銀內動用

一銀庫用贖殘廢口袋於每屆盤查時由派出王大臣查驗抖運出庫

完欠

一凡應追一切賠項銀兩總以有力無力爲斷其力能完繳者無論本身子嗣所賠係屬何款但由戶部行追者均應令其按限完交至無力完繳者分別有官無官有官者無論本身子嗣官職大小但係現任卽不得濫行請免如該旗籍及歷過任所查明並無財產隱寄具結咨部後准照現任俸廉扣繳一半有官未補者俟補官日再行坐扣其無力完繳

而又無官職該旗籍任所結報並無財產隱

寄者准予題豁

八旗由本旗咨部題豁
各直省由原籍題豁

一因公著賠分賠各員罷職及身故後經該旗

籍併任所查明實在並無資財隱匿寄頓人

亡產絕取結請豁者文結到部之日即應准

其題豁不得再行駁查致滋延宕

一凡罷職及身故人員未完因公欠帑應於本

員家屬名下著追者俱令按限完交如實係

赤貧力不能完該旗籍查明具結報部題豁

毋得率請監追

一欠帑暫行降革勒限催交完日即應開復各

員歸入彙題報部者如有於限內交完之員

應以咨報到部之日先予開復不得駁令俟

通案各員交齊後始准開復

一官員欠項前案未經完繳復奉文有應追之

案俱係尋常案件力難並交者如前案銀兩

尙未逾限准俟依限清完之後再將後案銀

兩按銀數多寡定限接續完繳儻前案逾限

不完除照例叅處外仍將後案按限行追若
後案係奉

特旨嚴追之款不得援照此例

凡各衙門行文咨追者謂之咨追專摺具

奏者謂之奏追欽奉特旨者謂之特旨嚴追各按各款辦理不得含混牽引

一同案分賠公帑人員各人名下各有應完已
身應賠銀數逾限查叅若該員將已身應賠
銀數完納則其責已畢或同賠之人有家產
盡絕者應卽將其人應賠銀數照例豁免除不
得復於同案各員名下重複攤派並禁止在

於通省各官養廉內攤扣更不得於承追省
分著落賠補違者照違

制律議處

一凡特款支銷錢糧該承辦官於動款時不報
部聽核徑行動用直俟奏銷時始行開報經
部照例核駁者所駁銀兩著落擅動官獨賠
如不能完照例治罪若因一人銀數繁多或
私派屬員公捐或勒令後任攤賠察出嚴究
一凡出借錢糧令該管各上司稽查如有捏飾

侵漁及未經報明私行借動者題參治罪著
追如係奉文借給實在無可著追確查出結
題豁不得在經手官名下著追

一官員一切應賠庫項開欠抵追如所開之欠
查明實係公帑其借欠之人當日具有借欠
印領者應照數追還並將借欠之員分別議
處若係平日私債或係已資幫助親友以及
同官私借雖有文約並無印領者無論遠年
近年有無確據一概不准追抵

一軍需案內應追銀兩查無虛糜飽彙情弊經
部照例覈減者先於本員名下全數著追如
本員於離任後力難獨完由部查明原追案
內或由該管上司派委不愼或失於詳查所
致卽令該管上司與本員各半分賠如本員
於分賠一半銀內仍不能完查係將來仍可
補官人員俟補官日於俸廉內按數扣還如
係罷職人員應令查照舊例題豁設查明原
案係承辦急需要務一時猝辦應差物價不

戶部員例卷十四
三十九
能悉符常例致干部駁勒賠是該員意在急
公與濫應者有間卽應奏明酌量寬免毋庸
一概著追

一有緣事應查抄家產及呈出田房抵交官項
而兄弟未經分產者將產業按兄弟人數分
股計算如家產值銀拾萬兄弟五人每股應
得貳萬祇將本員名下一股入官其餘兄弟
名下應得者概令照業該管官不得勒令一
概呈出其兄弟亦不得託詞家產未分任意
隱匿

一官員應追一切賠項如事非因公情節較重
查係該上司知情徇庇及實有委派不慎之
咎無論旗員漢員本人家產全無一概不准
援例請豁卽著落該管各上司名下攤賠

一凡完交追賠各項銀兩或有完繳在先後經
覈明浮於實追之數者准將浮交之數給還
一官員應完欠項有業經回旗回籍及陞遷至
別省卽在旗籍任所就近完交者在旗由都

三台貞例卷一
一
統出批交部外省由藩庫覈收報撥均知照
原追省分如係借墊等款應歸還庫儲者令
原追省分作正開銷如係毋庸歸還之款卽
行銷案

一原任官有覈減分賠代賠著賠等銀不係侵
貪重款數在拾兩以下者原官或經物故或
一時查無其人承追官卽於額設公費內代
完銷案不必輾轉行追若數在拾兩以上及
數雖無多而係侵貪重款者仍由本員及該

家屬名下根查追結

同治十三年校刊
五部刊例卷十四

庫藏

三

勒追

一八旗各直省應完欠項人員除侵挪虧空罪案贓私及工程核減等銀統聽刑工二部勒限外其戶屬項下追繳一切銀兩除欽奉諭旨定有限期專案勒令完繳外其餘採買價腳解送運腳驛站軍需及預發墊支事竣核減追繳等項銀兩均於文到日起如數在叁百兩以下者定限半年完繳叁百兩以上者定限一年完繳數在壹千兩至伍千兩者定限四

年伍千兩以上者定限五年壹萬兩以上者定限六年貳萬兩以上者再加一年以此遞加至數在拾萬兩者定限十五年其數在拾萬兩以上者案非常有或應統歸數在於拾萬兩子限十五年抑或另行酌加年限之處臨時聲敘情節奏明請

旨如限滿不完查係現任人員或雖非現任其原案係由該員一人貽悞獨賠情節較重者旗員卽由該都統咨部查叅漢員卽由該督撫咨

部查叅按例辦理若查係離任及已故人員

或行追時係現任屆限未完業已身故其次項又事屬因公核

減情節較輕或上司下屬及前後任攤賠分

賠或同案官代賠或上司代屬員賠本官代

吏役賠子孫代祖父賠而銀數又多至伍千

兩以上者以十分計算於限滿日能完至七

分其餘准其另照未完銀數按年起限完交

承追官逾限叅處另詳承追款內

一八旗直省應繳欠項人員如事屬因公核減

分賠代賠等項除數在壹千兩以下者按限完交外其數在壹千兩以上者均按所定期陸續完交毋庸拘定每年應完若干如至統限已滿仍未完清者由部查明已未完各數據實參奏請

旨照例辦理其或為數過多或本無產業或產業已全行呈出查無隱匿寄頓者該旗籍查明結報由部按其情節將應否再予展限幾年奏

明請

旨遵行至例應由部具奏案件部臣不得諉令該旗籍奏辦該旗籍亦毋得不咨部核議輒任意輕重率辦如該旗籍查出有隱匿寄頓情弊

即自行參奏辦理此專指各該員請限而言若請豁免第一條

內

一承追尸屬項下一切因公核減分賠攤賠代賠及軍需核減等項銀兩均於文到日起限限滿不完將承追督催等官議處其接任承追督催等官仍照到任之日扣限銀數在參

戶部具條卷一
百兩以下限半年追完叁百兩至壹千兩限
一年追完不完議處壹千兩至伍千兩定限
四年伍千兩以上定限五年統計所追總數
作為拾分按年攤追如每年屆限時虛懸並
無完繳承追官照例議處如能遇限陸續完
交承追官俟四年五年統限滿時查明已未
完分數分別議處其歷年凡有應得處分限
滿若能全完全行開復至伍千兩以上之案
五年限滿能完至柒分亦准開復其餘仍照
未完銀數按年起限承追

一凡承追一切欠項除現任官即在任所著追
外其離任官係漢員令該管督撫一面督屬
嚴追一面卽行查該員歷過任所有無隱寄
旗員由部行知該員原任省分其任所地方
自文到日限三箇月查明取結申詳該督撫
咨明原籍咨部辦理違者照

欽部事件遲延例議處

一拖欠官項錢糧本員力不能完者在於承產

之兄弟子姪分肥之僚友上司經手之家奴
吏役及寄頓財產之人確查屬實均應著賠
若分居析產之兄弟族屬並不知情之親友
奴僕旁人於公帑並未侵漁私財又非寄頓
該管州縣官巧借認幫等項名色勒令賠補
或藉稱嚴查寄頓紛紛稟傳刑求嚇詐等弊
准受累之人赴上司控告叅究倘上司不為
准理照徇庇例議處

一現任官員本身應完一切因公核減及分賠
代賠等項銀兩為數不多者准其在於應領
養廉數內坐扣完結其有養廉在本處耗羨
內自行留支者責令該管上司催追清結其
有詳請分限完交藩庫者如完解遲延本員
及該管上司分別議處限滿不完統計已未
完分數照例叅處仍令完納該管上司分別
叅處仍令督催順天府四路同知督催照知
府例議處

一回旗回籍人員應追各項銀兩該員一面按

限完交如有部減不符及任所派賠不公等項情由應於本旗本籍呈明移咨任所核辦如該管官混爲聲請自行赴任清釐者照贖狗例議處至任所督撫查核案情實係款項紛繁情節參差不便文移往返必須經手之員親自質對原委以期速結者將緣由聲明咨部移咨各該旗籍飭令該員前往清釐俟清釐完竣卽行勒回旗籍如有借端他往擾累地方情事該督撫據實查叅治罪

一承追各案欠項承追官新舊交代時將已未完結緣由一體入冊結報每至歲底該督撫查明案件完欠分晰部行造冊分咨聽部彙覈其八旗承追案件亦照直省之例於歲底彙報

一大宛二邑五方雜處一切承追銀兩如徇情推諉不實力行追或被入首告或由部查出
一俟從重治罪將所欠銀兩俱著落該縣賠完坐扣

一八旗人員應完各案一切帑項查明實係家產全無其本身兄弟子姪僅止食餉者該旗取具叅佐領保結送部照例題豁該旗毋得再行聲請在於所食餉銀內坐扣從前兵丁扣餉之例一概停止永遠遵行

一凡因公欠帑各員有應完銀數較多應得俸廉亦厚計其每年所得俸廉全扣半扣於交銀例限內足數抵交或限內能扣十分之七其不敷之數可照承追餘限抵足者准其聲

明例限按年扣抵毋庸查明家產結報

一現任文武官員應繳因公覈減分賠等項銀兩無力完繳請於俸廉內坐扣者各旗籍並未查明家產結報除銀數不多可於一年二年内坐扣完結者聽其坐扣外如銀數較多俸廉不敷扣抵概令勒限完交不得率准代奏濫請邀

恩其由各旗籍任所查明實無家產取具印結加結請在俸廉內遞年扣抵者每年止扣一半其

戶部則例卷十四
一 半留與當差如有自請全扣者聽銀數在壹萬兩以下者取結咨部請扣壹萬兩以上該督撫都統專摺奏明扣繳離任候補人員應追銀兩力能完交者仍照例辦理如實無財產亦由該旗籍查明取結咨部俟補官得缺之日分別扣交其銀數在壹萬兩以上經旗籍該管官查明實無家產取結咨部請俟補官日坐扣俸廉者應令於補官得缺之日由該管督撫專摺奏明將該員應得俸廉全數扣抵凡現任候補各官本係有力完交故請扣交俸廉希圖延宕者察出將本員及承追出結之員一律嚴叅議處至候補與現任人員或有派委辦理軍需事件應追一切銀兩曾經該旗籍查明取結准於俸廉內坐扣者該督撫隨時報明於差竣之日再行扣交一 官員奉派隨圍如於俸檔過部以前病故者預領俸銀在於該家屬名下追繳如力不能完准在該員之子俸銀內分年代扣如無食

俸之子准其豁免

一八旗隨圍官兵如有應交長支車價及路費銀兩一時力難措繳者准其在於俸餉銀內分作二年入檔坐扣完交

一京員有祖父任內未完分賠代賠銀兩奏明在於應得俸銀內代扣者如遇有罰俸案件俟罰俸銀兩扣完之日再行接續坐扣

一官員應賠各項銀兩業已題豁後其子孫內續有得官者免其追溯重扣

一官員應追各項銀兩如同居兄弟子姪內有職官食俸之人情願指俸代扣者係各盡親親之誼准其循例坐扣完項如前案代扣銀兩未經逾限續有情願代扣之項亦准其按限接續坐扣其不願者均聽

變抵

一凡承變入官田房出示召售願買者官給印
 照照內開明不准原主勒索找價字樣取具
 買主並無假冒影射甘結倘犯屬影射踞占
 照隱瞞入官財物房產律坐贓論罪承變官
 知情縱容照徇隱例治罪該管上司照徇庇
 例議處

一入官田房內如有活典及當存物件該承變
 官責成原主具限取贖逾限不贖照價出示

同治十三年校刊

戶部則例卷十四

庫藏

四

召變

一官吏承變入官田房什物或將田房私租或將什物易換許本犯家屬及旁人首告查案追賠仍照侵盜錢糧例治罪

一地方官承變入官房屋什物於估定價值後限半年內將田房什物照估變完逾限照例處分其逾限未變之什物除器皿衣服仍責成召變外至金銀珠玉等物承變官眼同犯屬封固開造清冊出具並無易換印甘各結

解交崇文門變價

一承變入官田房產業價值壹千兩以內者於半年限內變完至於僻小州縣有壹千兩以上之產或無有力之家及雖係大邑通都而田房價值至數千兩以上一時不能即售者令該督撫酌量定限一年或分作二年完解逾限不完分別查叅議處

一凡認買入官田房其定限二年者如有售主先交銀一半即令管業其餘銀兩於次年交

清承變官給與印照該管官先將分年完解之處詳明上司咨部存案至所收銀兩解交司庫各部查核

一入官變抵欠項之房產什物如所變之價浮於原欠之數者准將所浮之數給還本人

一凡入官田產令人居住耕種不納租銀以及估價短少或不候估價部文卽行變售者該州縣并該管上司分別查議

一官員承查承估承變承追各錢糧如係查估不實追變侵隱致虧帑項者將所虧之數著落按照賠償仍將該員嚴叅治罪若勘估本無不實催追並無徇縱委因變抵不敷查無情弊其不敷之數仍在欠項本員名下歸結不得勒令承估承追承變官代賠其遲延不力仍報叅議處

一入官田房什物以承查官查出或本員自行呈出之日起限該督撫僉委委員協同該地方官限三箇月內調取契券賬同欠帑本員

會勘確估如係祖遺房產契券無存即按照時值據實估計出結報部遲延者查叅至估報後以接准部覆之日起限逾限不完者查叅其或變抵不敷原估數目將不敷之數著落該承變官賠繳不得仍於欠帑本員名下著追

一在京抵頂房屋由戶部咨行工部照例查估無論住房鋪面悉按棟數分別等第估計作價估價與契價相等及比契價較多者均准

其按估價抵交如所估價值不敷契價令該員自行售變交納該員因售變無人呈請照估入官抵項者即予查收議抵交旗召買

一召變入官房屋千兩以內限半年變完千兩至數千兩以外限一年變完倘限內無人認買准咨部展限千兩以內展限半年千兩至數千兩以外展限一年限滿無人認買該旗隨時奏明交內務府房租庫收取租以免空閒傾圮之虞

一八旗人等應交官項銀兩情願以房地報抵

者除按例作價抵頂外所報地畝得租銀壹百叁拾兩准其抵帑

壹千兩詳見田賦門如有餘騰地畝即行給還情願領

價者聽

一八官房屋由部追出契紙者照契價數目召

買如未追出契紙者即按原估價值變賣其

認買之人即赴戶部具呈將所繳價銀付交

銀庫收訖再行發給印照承領收房原契估

冊存部備案如限內無人認買即隨時奏交

內務府收取取租以免空閒

同治元年十年咨准

免

乾隆六十年奉

上諭朕普錫春祺業經疊頒恩旨加惠臣民復命查從前臣工內因過誤有賠項未清者經軍機大臣開單具奏如文綬裴宗錫閔鶚元福崧陶易等五員俱會緣事查抄其名下尙有未完銀兩朕臨御六十年辦理庶務一秉大公至正於諸臣功過權衡輕重賞罰從公寬嚴悉當從不稍事苛求此等緣事查抄之員皆因其在任之時或贍徇貽誤或散法營私其籍沒

家產實屬罪由自取所有未完銀兩本應著落該家屬子弟照數賠繳第念丙辰年卽屆歸政之期現當春韶令節覃敷愷澤破格施恩著將文綬等五員名下未完銀兩概予寬免此外如尙有似文綬等之曾經查抄家屬實在無力完繳者並著各該旗籍查明具結咨報由戶部題請豁免以示朕法外施仁恩加無已至意欽此

一出師陣亡傷亡病故官兵凡有預借銀兩欽

遵乾隆五年

諭旨准予豁免永遠遵行

一軍營陣亡傷亡人員如有本身應追採買核減及分賠代賠等項銀兩概行咨部豁免毋庸逐案具題

一離任官應追欠項本旗本籍一面督屬嚴追一面通查該員歷過任所果無財產隱寄由任所官出具切實印結移送本旗本籍由本旗本籍加結題請豁免倘題豁以後別經發覺財產儘數人官仍將原籍任所出結官員

革職原豁銀兩並著賠還

一官員欠項無完係戶屬核減項下如採買水脚等款者據實題豁免治本員之罪如係經費項下之長支溢領悞發及分賠之非由屬員侵欺代賠著賠之失於詳查與夫格於常例不准開銷等款為數不及壹千兩者查實後亦准免罪題豁其數至壹千兩以上者題豁時或將該本員照工程核減無完治罪之例減一等問擬或免其治罪之處於題豁疏

內聲敘情節請

旨定奪

專指本係獲罪之人拖欠官項既免其追賠復免其治罪者而言如未經獲罪者不在此例

一催追錢糧奉

特旨豁免者承追之地方官一體免議

一官員應追欠項有初案已經查明題豁者續有別案追項准其併案咨結

一凡承追戶屬項下一切應完銀兩如其人實在家產全無該管地方官不為據實詳請督

撫題豁致令父子夫妻分離失所將承追之
州縣及督催之督撫奏交吏部議處旗員之
該管官不為據實具結咨部者亦照此辦理
若該旗業已咨部而承辦司員任聽書役欺
擱不為彙題豁免亦即將該司員奏交吏部
議處書役交刑部治罪

一籍隸大興宛平二縣人員有原任應追欠項
經大宛二縣查無家產者仍通行直隸省分
及該員流寓地方一體確查出結由順天府

會同直隸總督題豁

贖鍰

一各省遇有呈請贖罪案件該督撫據情奏請候

旨遵行不得將捐贖銀兩預行提儲司庫

一奏准贖罪人員仍令前赴成所候贖項交清之日再准回籍如有及早完項者即可令其早回不必拘定期限如逾限不清照例治罪

部員檢卷一四

五

Table with 10 columns and 1 row of text.

